


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-92	Al-Lail	21	1	Makkiyyah	Ke-9	5



Zaman Diturunkan

Surah al-Lail juga diturunkan bersama Surah as-Syams pada peringkat kedua kehidupan Rasulullah s.a.w. di Mekah, zaman itu zaman yang penuh dengan tuduhan dan juga penentangan oleh pihak orang-orang kafir Quraisy, orang-orang musyrikin Mekah diancam dengan azab.

Perkaitan Surah Al-Lail Dengan Surah Sebelum Dan Selepasnya

1. Di dalam Surah al-Balad, kebebasan memilih kepada manusia dinyatakan dengan perkataan النَّجْدَيْنِ, di dalam Surah as-Syams pula ia dinyatakan melalui firman Allah فَالْهَمَّهَا فُجُورُهَا وَتَقْوَاهَا. Di dalam Surah al-Lail ini pula ia dinyatakan melalui firmanNya إِنَّ سَعْيَكُمْ لَشَتَّى.

2. Di penghujung surah ini tersebut:

وَلَسَوْفَ يَرْضَى ٥

21. Dan demi sesungguhnya, ia tetap akan berpuas hati (pada hari akhirat, dengan mendapat segala yang diharapkannya).

Di dalam Surah ad-Dhuha selepasnya pula Nabi s.a.w. diberikan berita gembira bahawa Allah tidak lama lagi akan mengurniakan kepada engkau sehingga engkau akan berpuas hati:

وَلَسَوْفَ يُعْطِيكَ رَبُّكَ فَتَرْضَى ٥

5. Dan sesungguhnya Tuhanmu akan memberikanmu (kejayaan dan kebahagiaan di dunia dan di akhirat) sehingga engkau redha - berpuas hati.

Beberapa Kata Kunci Dan Tema Utama Surah

1. Di dalam Surah al-Balad, manusia أَتَقَى yang sifatnya pemurah dibandingkan dengan أَشَقَى yang sifatnya bakhil, tidak peduli, berasa serba cukup dan malang.

2. Sifat-sifat orang yang menerima dan membenarkan seruan al-Qur'an yang dibawa oleh Rasulullah berbeza daripada sifat-sifat orang-orang yang mendustakannya, akibat yang akan diperolehi masing-masing juga tidak sama.

3. Untuk mendapat penyucian jiwa, perlulah segala amalan dilakukan dengan ikhlas semata-mata kerana Allah الَّذِي يُؤْتِي مَالَهُ يَتَزَكَّى, termasuklah juga orang yang membelanjakan hartanya أَتَبْتَغَاهُ وَجْهَ رَبِّهِ الْأَعْلَى.